開放文學-推理探案-包公案-百家公案 第三十三回 枷城隍拿捉妖精

斷云: 妖精迷人真異事,包公清鑒斷分明。

城隍本自無私應,拿縛當廳正典刑。

話說包拯在開封府,一日,因安撫公趨要,合集眾官,議設筵席,遂喚諸吏點檢器皿。吏告金銀器皿盡皆毀壞,拯遂差人喚銀匠王溫來衙打造。王溫見官差,不得已要去,思之只有一妻孤然在家,遂以家事囑之東鄰王泰伯大家看顧,次日與妻阿劉相別而去。

其妻每夜寂寞無聊,孤燈獨坐。忽一夜,有人叩門之聲,阿劉喝問:「是誰人叩門?」門外人叫道:「若不開門,斷然不饒你性命。」道罷後,忽一陣冷風襲人,推門直入。見其人身長七尺,威猛可畏,身青如藍靛,發赤似硃砂,口闊如盆,手持一劍,向前抱定阿劉云:「你與我結為姻眷,教爾受用不盡。如不肯相從,定殺了你。」阿劉驚怕,只得勉強與之同寢一宵。次日曉,妖精告阿劉:「休得令人知覺,如若漏泄此事,今夜不留你性命。」言訖而去。阿劉每日只是驚恐,如醉如癡,有冤難訴。逢到黃昏時候,一陣冷風襲人,妖怪又復持劍直入房中,與之同臥。或去時只留下飲食、錢帛之類。阿劉不知其由,只秘而不說。

自此夜夜往來,將有半個月日,其東鄰王老聞知,疑是王溫已歸,遂問阿劉。阿劉具告以被妖怪迷淫之事。王老大驚道:「既有此事,如何不早說知。」阿劉道:「被他恐嚇,若與人知時,則害於奴,以此不敢漏泄矣。」王老聽罷,逕走入衙裡,告其夫主知之。王溫聞此消息,急忙歸家,嗔罵阿劉。阿劉哭告:「被妖怪迷亂,非干妾身不良。」王溫不信,是夜持劍直入,暗中藏伏。良久,果有人叩門人來,燈前但見其人牛頭鬼臉,持劍直入,遂喝令其妻同臥。溫驚恐不敢出。已天明矣,妖怪去後,溫乃出來,與妻商議,待去苗從善家買卦,問是何方妖精。

溫至苗家,占覆乃云:「其卜觸動白虎神,陰人逢一枉鬼為妖,百日後當主喪身。」王溫曰:「先生若能救得我妻無事,必當重謝。」從善乃教王溫道:「夫家急與妻出城外,去東邊砍一株桃木為棒,候妖怪復來,用此棒趕他,便能斷絕。」溫送了卦錢,如其言,歸家向東邊砍桃棒一條。黃昏時,妖怪又持劍而來。王溫喝問:「是甚處魍魎?」便用桃棒打逐。妖精大笑道:「是叵耐這苗巡官,我和他無仇,卻教你如此斷我。」

溫亦驚走逃閃。良久,妖精大怒而去,將苗家六口全殺盡。溫思量:「定是苗巡官推占錯了。」遂走出去問苗家。到苗家叩門,並無人應。溫推開門,入房中手捫,見六口盡是無頭人,遂驚走歸家。

天曉,忽遇巡軍王吉、李遂二人,見溫身上帶有鮮血,遂問其故。溫告以其妻為妖怪所迷,因到苗家占卜。叩門不應,遂推門直入,但捫見一屋死人,哪知血染遍身。巡軍不由分說,捉取王溫到官。包公審問王溫:「緣何殺了苗從善一家?」溫逐一供具妖怪根因,並不知從善一家身死情由。拯思量:「安得有這樣妖怪能殺人?」遂將溫枷送人獄根勘,溫苦不肯招認。

拯又差張辛持利刀一把,入王溫家聽探。其夜張辛持刀暗中藏伏,果有人叩門入來。燈前但見一個牛頭鬼,持劍直入房中抱那婦人。張辛持劍直砍妖精。妖精大怒,與辛交戰,辛敗走而回。天曉人衙中報與包公:「王溫家果有妖精。」拯大怒道:「張辛定是受王溫錢物,通同誑官。」遂枷了張辛,又喚武卒劉義、吳真,各持短刀,再去王溫家同探。二人持刀再去。

至夜,妖魅又來。二人持劍交鬥,妖精用劍一下砍死劉義,吳真奔走得免。天曉入衙回說:「溫家果有妖精,劉義已被殺死。」拯遂差正司理去王溫家檢驗。司理到其家,喚阿劉審問事因,不見在家裡。公差人前門後戶尋遍,不見阿劉。司理思量:「必是妖怪攝去。」遂回報拯:「的確有此事,劉義果被其妖殺死。」拯無奈何,隨即差人將三具大枷去城隍廟,先枷了城隍,又枷了兩個夫人。枷梢上寫著:「你為一城之主,反縱妖怪殺人,限你三日捉到,如三日無明白,定表奏朝廷,焚燒廟宇。」

包拯祝罷回衙後,是夜城隍便差小鬼十餘人,限三日定要捉到妖精。小鬼各持槎牙棒、鐵蒺藜,繞城上下、寺觀山林、古塚墳墓,莫不尋遍。一鬼托化到城東,忽聞樹林中有婦人哭聲。小鬼隨聲奔入林中,見一古墓,掘開如盆大,有一佳人在內。鬼使持劍喝問原因。佳人道:「妾在城裡住,夫是銀匠王溫,為妖怪所迷至此。」小鬼聽得,遂挽婦人隨風而去。忽然遇著妖怪,頭生兩角,身披金甲,手持利劍,喝問:「誰將我妻兒何處去?」鬼使道:「我奉城隍牒命,來捉妖怪。」其一鬼在黑風中與妖精持劍交戰,遂被妖精勁死。小鬼急將婦人抱走。其有眾鬼知之,逕回廟中告城隍。城隍再遣陰兵捉捕。陰兵遂圍定妖精所在,不能走脫,遂被陰眾捉縛,同阿劉押入城隍司。司王道:「此係包大人要根勘。」即令取大枷枷著妖精,同阿劉解入府衙。正遇拯在城上判事,忽一陣黑風,塵霧四起,良久,阿劉與妖精同到廳前。拯一見之,方知是參沙神作怪。

拯問阿劉事因。阿劉逐一供具妖精殺苗家因依:「妖怪縛去藏之古塚之中,謝得城隍兵吏救奴,遂得再生天日。」阿劉具言其詳,廳上司吏立成文案。拯遂著公人當階下斬了妖精,但見空中火燄分作兩處,良久消散,有一劍落在階前。胥吏者無不稱異。拯 乃將此事奏知朝廷。仁宗皇帝遂下詔宣召拯與王溫親問之,得其確實,敕命城隍特加封贈。溫復得與阿劉偕老。